

四庫全書

集部

欽定四庫全書

集部

文苑英華卷四百

五十五
五十二

詳校官庶吉士臣柳邁祖

助教臣常循覆勘

總校官進士臣朱鈞

校對官中書臣鮑之鍾

謄錄監生臣沈世政

欽定四庫全書

文苑英華卷四百五十

宋 李昉等 編

制書三

命相三

授王播中書侍郎平章事兼鹽鐵使副制

元 稹

門下昔蕭何用新造之漢而能調發子弟完補報亡使
關東糧饋不絕者以其盡得秦之圖籍而周知其衆寡

也我國家秉十一聖之區寓提億兆人之生齒而曰不能足食足兵朕甚惜焉得非調陰陽撫夷夏者不欲侵貨泉之任而主會計較虛盈者不得參邦國之重乎予

今

集作將

兼之允在能者諸道鹽鐵轉運等使大中大夫

守刑部尚書騎都尉太原縣開國男賜紫金魚袋王播在德宗時以封詔入仕踐履

詔令作更

臺閣由御史中丞京

兆尹掌縣官鹽鐵為春曹

集作官

尚書乃長邑髦

詔令作髻

以

控蠻蜩盡稱厥職達于予聞駟

詔令作泊

詔徵還便殿與語

得所未得聞所未聞

詔令作開
吾未聞

昭然發蒙幾至前席重

委操剗銛刃益精國有羨財而人不加賦東師在野物

力蕭然不有主張孰能戡濟是用命爾作相仍以舊務

因之爾為

詔令作其
集作則

西備戎羗東定燕冀內實九府外

豐萬人百度群倫固不在爾於戲典謨訓誥行之具存

邪正是非知之孔易予唯以不敏不明

集有
茲字

故用爾

爾為股肱耳目又安能以

詔令無
以字

一二戒誨垂之空言

爾其自勵于爾心無令觀聽者論爾於鄉校可守中書

侍郎同中書門下平章事依前允諸道鹽鐵轉運等使

散官勲封賜如故

長慶元年十月

授張弘靖門下侍郎平章事制

白居易

門下夫佐佑天子變理陰陽平章法度登進賢哲外撫
夷狄內安元元使百官各修其職一物不失其所此宰
相之任也朕思得良弼訓致此道咨命予汝其殆庶乎
具官張弘靖惟乃祖乃父代居相位咸有成績于旂常

爾其忠正恭肅文以禮樂日濟其美振揚家聲一時之
人謂之才子亟登清貫益著令聞洎出刺陝部移鎮蒲
坂政不苛細甚得人心寮吏將卒皆樂為用清簡之化
聞於京師由是鄭風緇衣之好漢廷玄成之美朝望時
議翕然與之人謀既同朕志亦定乃用登爾以集作于左
輔授爾以大政尚克欽乃嘉命業乃代官竭其股肱服
我前訓嗚呼三代為相邦家之光爾其敬集作念哉無替
乃前人之徽烈

授李絳平章事制

門下昔在堯舜聰明文思尚賴良臣實以相濟况朕薄德不逮先王是用急疾於求賢置之於左右俾承弼納誨以匡不逮言或集作雖逆耳必求諸道事苟利人咸可

其奏茲足以宣股肱之力成天下之務歷選多士爰得良輔乃降厥命其聽之哉具官李絳齊莊嚴重內明外直進退舉措有大臣體自叅內職每備顧問忠讜之操終始集作然不渝及貳地官專領財賦未逾周月亦有成

績歷試多可人望攸歸俾登中樞無易絳者於戲爾以文學入仕以正直奉上才膺大用職亦屢遷十年之間位至丞相何以報國在乎匪躬欽哉懋哉無忝朕命

授韋貫之中書侍郎平章事制

門下周宣漢宣繼世之主一得申甫一得魏邴咸克致理號為中興朕嗣位以來永鑒先烈惟是賢俊寤寐求思歷選周行乃獲時彥宜以政柄舉而授之具官韋貫之溫重明正國之公器當官必守臨事能斷簡在朕志

迨今累年乃者擢居諫司以觀其直出領符竹以觀其
理煩之以劇務以觀其用訪之以大政以觀其體歷試
必中而衆望允屬倚之為相僉曰宜哉可守中書侍郎
同中書門下平章事夫臣事君則集作忠后從諫則聖
靡不有始鮮克有終理化不成恒由於此今我與爾永
終是圖雖休不集作休以臻其極嗚呼二宣之業吾有
望焉

授武元衡門下侍郎平章事制

門下朕嗣守丕業行將十年實賴一二輔臣與之共理

故外鎮方域則仗以為將有絳侯厚重之資有丙吉寬

大之風自登台司克諧集作厭人望頃屬巴蜀軍後人殘

權委節旄俾往鎮撫信及夷獠集作狃恩加疲瘵每因利

以施物集作惠不易俗而修教政無苟簡人用便安惠茲

一方時乃之績報政已久屬望益深宜歸左輔以參大

政夫坦然公道可以叙衆才曠然虛懷可以應群物集作

務弼違救失不以尤悔為慮進善紬集作懲惡不以親讎

自嫌用此輔君足為名相欽率是道往復乃官可守門
下侍郎同中書門下平章事

授段文昌中書侍郎平章事制

杜元頴

門下卷求輔

詔令
作良

弼期在濟時必惟才臣乃克成務况

端潔剛毅可以肅具察敏裕周通可以熙庶績外無飾

虛之體

詔令
作禮

中有效實之誠簡于朕心乃命以位朝散

大夫守中書舍人翰林學士武騎尉賜紫金魚袋段文

昌門襲忠勲器包才傑廣而不雜峻而能溫修詞每掇

其菁英

詔令
作華

所尚者風格發言必探於指要所貴者變

通識古今理亂之源知避遁利病之本自掌文翰苑列

籍金門出入五年恭勤一致屬朕初承寶命屢進嘉猷

諒我憂惕之懷竭其公忠之力

詔令
作志

昨因召見更用

詔令

有作 咨詢造膝之言注意斯得必能奉將明之大任申獻

替於虛襟爰升鼎鉉之司冀展舟楫之用於戲萬物之

始九有所瞻將致治平可不兢勵爾其夙夜惟慮輔道

朕躬使四夷咸賓百度惟乂

詔令作理

阜俗必蘇其疲瘵審

官無鬱其賢能理當詳於機深道當固於久大惟自誠

可以化物惟克己可以律人勉哉戒哉無忝我首命之

重可守中書侍郎同中書門下平章事

元和十五年閏正月

授李鄴門下侍郎平章事制 蔣防

門下凝

詔令作弼

成庶政必屬於長材經制四方是資於碩

望况叅酌理本變和化源苟非傑賢孰允斯任爰立舊

德將諧具瞻淮南節度副大使知節度事管内度支營

田觀察處置等使銀青光祿大夫檢校尚書左僕射兼揚州大都督府長史御史大夫上柱國江夏縣開國侯食邑一千戶李鄴性惟直方器本弘固冲敏足以成務通明可以質疑懷匡主之忠規蘊經邦之遠略歷居雄鎮累服大寮臺閣藩方動留成式資為重望綽有餘材必能翼宣鴻猷導迎嘉祉是用徵拜陟于黃樞竭爾訃謨司我號令法期畫一俗俾康寧寅亮庶工屬在良弼

詔令
作輔

可守門下侍郎同中書門下平章事散官勲賜如

故

元和十二年十月

授蕭俛門下侍郎平章制

類制

門下天生蒸民樹之司牧非輔弼不能宣其教化非忠
賢無以廣其謀猷其履道居真開物成務才能彰於人
望績方著於國均是宜表式周行歷踐樞禁朝議大夫
守中書侍郎平章事蕭俛器懷沉正風度夷達識蘊通
人之量文為君子之儒守道易知臨事難奪內庭推謹
密之效司憲弘端肅之規所以仗其公忠寄之啟沃嘉

乃匡益副予簡求思序德以任賢冀資忠而致理俾光
明渥再踐台階無替前勞徃服休命於戲秉一心者時
惟良弼宰萬物者是資化源后德惟臣予既虛心而納
誨國家在相爾宜勵節以致誠無媿知人式佇明效可
門下侍郎平章事

授崔鉉魏扶拜相制

沈詢

門下潤色王業允俟於良臣丹青帝圖必資於宰匠朕
嗣膺大寶思闡鴻猷永惟化源實屬髦傑斯所以

三字
詔令

作所期

調六氣以遂物摠萬機而富人夢帝賚予爰立作

相正議大夫守御史大夫崔鉉山河秀氣經緯長才金
聲含正始之和玉立在風塵之表正議大夫行尚書兵
部侍郎判部事魏扶天與全德性惟中庸有致遠之宏
謀負佐王之盛業並操身特立抱器挺生高標旁映於
羣倫明識動符於大雅早登善顯脩閱休嘉穆然清明
樽有素望居易求己秉仁立誠每懷憂國之心益竭狗
公之志或早以精慮升於鼎司深陳造膝之言密勵匪

躬之節或嘗以敏用服于大寮智有洞於機權才復深

詔令
作推

於練達爰委綱憲仗名節而立朝亦摠地卿嘗會

計而經國紀綱式叙征稅益饒陟其休庸付以大柄朕
欲宣明號令弘濟生靈致寰海之又安復河隍之土宇
爾從容奏議朝夕揣摩副華夏之具瞻展舟航之大用
輔教化本乎無隱辨雅正在於至公俾踐中台同叅庶
務敬服明訓式揚茂勲鉉可中書侍郎同中書門下平
章事扶可守本官同中書門下平章事

大中三
年四月

崔龜從拜相制

崔 璵

門下丹青神化寅亮天工將寄陶鈞必歸才望故漢中
大業魏邴克贊其謨謀開元盛時姚宋同匡其治理嘗
覽前代緬懷斯人寤寐以求夢卜

一作以冀

終叶適當舉衆

不讓知賢戶部尚書判度支崔龜從道峻嵩華志凌烟
霄氣包元精識邁前哲巖廊符瑞禮樂英華弘通多鑒
物之明堅直

詔令作正

抱佐時之術而學窮源委詞涌濤波

吐論素勵於公忠理躬不踰於信厚烈火方熾珪璋更

寒飛霜已嚴竹柏猶翠自出入劇職徊翔清途經歷五
年恭勤一貫粉署潔賜衣之操掖垣高白鳳之文澄清
宣威節制持重既位延舊德再掌地圖任切良材柄專
國用閭閻不困帑藏有餘邦賦程均節之能軍食表供
須之效我有好爵本邀茂勲况乎國楨宜在一作人傑
是用命汝同心弼予升于鼎司執此政柄吉甫德全於
文武彥回望著於台衡既諧具瞻寔允元輔詔令酌古
訓以恢令猷帖人部喉舌之雄免計曹經費之務期爾

鎮撫式彰顯崇於戲惟木從繩載懷藥石之誠惟風偃
草冀流霖雨之功與其順美以昭忠不若盡規而輔德
與其嚴刑而就理不若齊禮以安人佇聞嘉言共底交
泰無令伊傅獨美典墳可戶部尚書同中書門下平章

事

大 中 四
年 六 月

魏謨拜相制

沈 詢

門下天不能獨運任寒暑而成歲功君所以稱尊仗股
肱而熙帝載高拱巖廊之上卒成天地之宜故風后登

庸軒圖以穆文終佐理漢業遂昌何莫由斯夫豈相遠
爰感風雲之會果符夢卜之求屬在休期俾升良弼戶
部侍郎判戶部事魏謨膺賢運之間氣負王佐之宏材
山岳孤高珪璋特達道德忠信資以修身文章政事乃
其餘力自騰芳詞苑振跡諫垣文宗知臣深加寵遇檢
校甚峻守道不回未至達官蔚為國器星霜屢變流落
幾途秀木摧風燎原見玉沒黥心存乎廟廊望之志在
於本朝朕獲奉寶圖勵精理本盡伸人隱思變時雍佇

聞宣室之言是有夕扉之拜偉其風望委以憲綱正色
立朝不仁自遠貳于卿秩掌我地征吏不敢欺身無伐
善彌見精強之用頗聞流行之能朕常咨以謨謀觀其
識略動中理會慮必輸忠切劘每賴其沃心慨慷不忘
於造膝是宜樹為名表載之休聲俾增耀詔令
作輝於三台
庶詔令
作化僉諧於四岳於戲鹽梅之調元鼎舟楫之濟巨
川詔令作調鹽梅之元
鼎濟舟楫之巨川上維四方之安危下繫群生之
舒慘居是任者不其重歟夫激濁揚清衆自聳善著誠

去偽人斯歸厚爾其開張教化之具導迎陰陽之和使
萬物各遂其宜百官得任其體昔爾先祖為唐輔臣人
鏡之名阿衡比德爾尚纂承義訓克嗣清風勉思貽厥
之謀以闡將明之業勿畏嫌而避事無執謙以自疑永
孚于休用觀乃績可守本官同中書門下平章事依前

判戶部事

大中五年
十月戊辰

授裴休中書門下平章事依前判鹽鐵制

前人

門下我國家之稱至理其惟貞觀開元乎雖盛德成於
祖宗而致君存乎輔弼委是不構付予冲人實咨獻臣
共荷洪業俾登玉鉉用振金聲正議大夫守禮部尚書
充諸道鹽鐵轉運等使裴休明堂棟梁清廟瑚璉道崇
五美學綜九流持去邪與善之心蘊尊主濟時之術早
昇甲乙首冠賢良諫垣馳讜正之名史氏動直言之筆
羽儀著定律呂縉紳仙閣道播於彌綸右掖詞推於潤
色三臨藩郡皆垂良史之能四貳卿曹益見大臣之體

洎乎司泉貨之重筦山澤之財用適變通法均寬猛大
計如富彊之業常規多饒羨之功人無告勞刃有餘地
是可以載光袞職爰陟台階式贊雍熙宜膺夢卜爾其
允釐庶績俾詔令起訐謨涉大川而示吾津涯馭六馬
而遺吾銜策俾臻皇極克嗣前修於戲人代天工予違
汝弼悉乃心力作吾股肱無使阿衡專美於殷家山甫
獨稱於周室勉弘懿德勿忝虛懷可守本官同中書門
下平章事依前充諸道鹽鐵轉運等使

授王搏中書侍郎同中書門下平章事判戶部

制

吳融

門下朕聞王茂弘官在治中已恭佐命謝安石身為相
掾常切憂時後果俱秉國鈞克諧人望忠誠懿烈焜燿
冊書孰謂我朝鍾茲丕運厥有佳士龍興壯圖植勁草
於表腸繫苞桑於宗社特立當代何慙古人將表至公
爰申異渥具官王搏霜高一鷄玉拔孤峯孕和煦於情
田自華而實道縱橫於義路無一作何往不通蘊是淑聲

居然上品繫駒場裏早颯清塵振鷺行中難究逸翰踐
揚三署橫絕一時實名教之丹青乃縉紳之領袖昨者
朕失遵王度致降天災蒙起蕭牆幽加洊棘而賴能謀
於上相說彼中權反正乘輿肅清輦轂疇其忠節雖已
擢於禁林惜此奇才難久留於誥命豈在凝神軒夢問
兆周畋用之不疑命以爰立既調金鉉仍總版圖必務
豐財以資經費於戲爾前未達則能有奮於時此後所
行不宜苟安於位獻可替否減私徇公慎保初心勿孤

大任

授陸辰平章事制

楊 鉅

門下昔在太宗時則有房杜持國鈞在玄宗時則有姚
宋司政柄降于列聖代濟名臣宜搜間代之賢莫過濟
時之用其有懷詔令作壞材已試亮節孔彰俾膺霖雨之求

期正彛倫之叙式舉茂典吾無所私翰林學士承旨銀
青光祿大夫守尚書左丞知制誥上柱國嘉興縣開國
男食邑三百戶陸辰簡節正音溫光瑞玉咸護抱降神

之韻珪璋挺華國之容包倚相之典墳紹平原之詞藻
爰自高才赴召丹地代言絲綸必本於典謨獻納已觀
其事業仍歲扈和鑿之狩六年專詔誥之勤讜正自持

聞望彌峻况爾伯祖贄昔以才行嘗居禁林當德宗避

狄之時

詔令
作秋

實乃祖納忠

詔令
作言

之日積其偉節升于鼎

司書命諫章流在人口是用選自密勿陟之台衡昭于

前光期於休命

詔令作期
以後効

職我人柄貳茲地官既表殊

恩且明丕訓於戲姦宄

詔令
作克

尚熾干草未平生靈流離

宗稷榛莽爾其舉墜典正顏網進賢良遠姦慝勿依違
而避事無拱默以叨恩

詔令
作樹

庶乎艱難有望康濟往踐

乃位敬而戒之可尚書戶部侍郎同中書門下平章事

餘如故

三年
七月

授孫渥平章事制

詔令作孫渥
判戶部制

門下在天成象拱帝座者三台在地稱崇鎮方輿者五

嶽我有賢輔立于

詔令
作乎

大朝協三台照耀之功契五岳

匡扶之力既凝庶績宜峻徽章正議大夫守中書侍郎

同中書門下平章事上柱國賜紫金魚袋某壁立孤峯
渭清一派早以閨門之行聞於鄉黨之間

詔令作
鄉里

張融

高文聚為玉海孫綽麗賦擲作金聲頗喧驚座之詞華
遂整冲天之羽翼鵬張上國顏淵首冠於諸科弓招小
山穆生道優於置醴厥後簪御史筆講博士書從容累
踐於南宮諫諍俄升於左闥蘭香見忌玉冷多猜比騷
人湘浦之行繼賈誼長沙之役朕自知直道召歸掖垣
每於敷陳必盡肺腑因朱雲折檻之對識張華王佐之

才斷自中宸爰立作相彌縫不倦匡益居先操心願草
於澆浮進善必先於行實搜抉沉滯拔用隱淪致我時
風自爾而厚張說當玄宗之代初啟集賢竇叅居德宗
之朝別分戶部一則寵九流之墳籍一則萃四海之賦
輿式仗英規遂茲兼領高建楚子之爵貴升鄭衆之階
勉殄寇讎以復廟社可銀青光祿大夫依前中書侍郎
同中書門下平章事集賢殿大學士兼判戶部事仍封
樂安縣開國子食邑五百戶

授朱朴平章事制

韓儀

門下夢傳巖而得真相殷道中興獵渭濱而載獻臣周
朝致理是知顯諸仁而藏諸用君子但守其沉機懷其
寶而迷其邦大器曷虛其一作於顯位朕自逢多難渴佇

英賢暗禱鬼神明祈日月果得哲輔契于勤求

詔令作契子

朝散大夫守國子毛詩博士柱國賜紫金魚袋朱朴學
業優深識用精敏久徊翔而不振彌貞吉以自多朕知
其才遂召與語理亂立分於言下聞所未聞兵農皆在

於穀中得所未得不覺前席為之改容須委化權用昌
衰運是乃振於庠序陟於鈞衡自我拔竒寧拘品秩於
戲時風甚薄國步方艱兵戈未息於近郊經制日隳於
故事宮闕焚蕩邑里凋虛外則未殄元兇內則未凝庶
績整我綱紀成我雍熙百度群倫俟爾康濟勉思敬戒
以服寵光

詔今
作章

可朝議大夫同中書門下平章事上柱

國賜紫金魚袋

乾寧三
年八月

授王搏平章事制

門下朕聞軒轅得力牧而為五帝先夏禹任臯陶而為
三王祖雖不言而化自契於立功而端拱仰成實資於
哲輔况有嘗持大柄久竭訐謨振寅亮於巖廊立惠迪
之軌躅俾乃舊貫再委平衡斷自朕懷用符僉屬扶危
匡國致理功臣新授武勝軍節度浙江東道管内觀察
處置兼宣撫等使金紫光祿大夫檢校尚書右僕射同
中書門下平章事使持節越州諸軍事越州刺史上柱

國

開國公食邑二千戶王搏道潔秋霜文含夏

采

詔令作
春彰

動不踰矩立必正方行中孚絕類之貞保大

有匪彭之節訥於言而敏於行深恥名浮竭其力而致
其身唯將道勝頃歲朕察其才智可委鈞衡拔自貳卿
升之四輔果能推誠憂國罄慮匡時啟沃心之嘉猷進
苦口之良藥洎汧岐叛換京國戒嚴罔懼觸鱗屢陳逆
耳且搏以明君待我故每敢極言我以忠臣任搏亦常
加獎納深知盡瘁永用寘懷自鑿輅省方難詔令
作艱危扈
蹕澄心無撓臨事應機為時而生信非虛言昨以初清

鏡水新蕩稽山慎擇周才以康疲俗是乃

詔今作用

輟於台

鼎俾踐師壇念卿前後奏陳有犯無隱吾雖不敏深諒至忠靜復卿言皆合朕志讜正之事久而彌芳雖浙左

詔今作右

之瘡夷誠思惠養顧岐陽之祆逆尤藉機籌且歸

班瑞之符却秉代天之筆爾其內凝庶績外殄元兇勉精醫國之謀報我知臣之德天官重位光祿崇階無以命之用旌寵數服茲休命可不慎歟可光祿大夫守吏部尚書同中書門下平章事功臣勲封並如故

乾寧三年正月

欽定四庫全書

文苑英華
卷四百五十

十九

文苑英華卷四百五十

欽定四庫全書

文苑英華卷四百五十一 宋 李昉等 編

制書四

都元帥

晉王荆襄江西等道兵馬都元帥制

陸贄

門下君人立極所務於勝殘秉律成師實先於謀帥申
明號令摠制紀綱弘九合之功決百勝之略非重慎

集作

慎簡不可以濟事非僉屬不可以臨人集大勲者必振其

宏綱體至公者無避於內舉爰擇蕃翰俾掌元戎開府

儀同三司舒王謨性稟忠厚訓知禮樂居常樂善動不

違仁察其內直

集作恕

外溫必能安人和衆體方識敏諒

可成功庶乎知子之明授以師貞之律可揚州大都督

持節充荆襄江西沔鄂等道節度及諸軍行營兵馬都

元帥餘如故仍賜名誼改封普王嗚呼小子誼其敬聽

朕命我國家之有天下百七十載于茲矣祖宗垂統

二字

集作垂化紹統功德繼茂威加殊俗惠洽普天海隅蒼生代受

亭育躋之於壽域

集作富壽

煦之以仁和

集作和平

源廣流長慶

深祚遠歷數有嗣續于朕躬兢兢業業懼不克負荷虔

恭寅畏歲五周星循列聖之耿光稽上古之暮

集作明

訓

一物失所是用疚心萬方有罪每懷咎已懸法更考于

詔令作天則

集作皆考于天則

集作意舉事必酌於人謀期合人中罔徇私

欲而涉道猶淺燭理未明文闕於化成武乏於定亂刑

賞失中選授

集作授任

乖方厚澤未均大信未著致使克惡

熾禍干紀亂常悖違君親蔑棄天地盜據我郡邑毒痛

我士庶驅脅丁壯暴骸於原野攘奪羸老轉死於溝壑

忠良隕命義烈啣冤迫以凶威莫由

詔令作能

自奮憤深骨

髓怨結蒼旻朕所以中宵屢興終食三嘆哀蒼生之無

告念

集作憫

赤子之非辜為人父母寧忘愧悼賴三事大

夫竭誠於內羣帥爪牙宣力於外交脩不逮

集作急

日異

康寧江漢上游建瓴制寇亘千里之地連十萬之師保

大定功宜有統壹允副茲選往哉汝諧無以貴驕人無

以善自伐無從已之欲無拂衆之謨

集作謀

從

集作納

諫如

流改過勿怙卑躬降志以奉賓傳絕耳分少以撫軍師

布誠信以歸人心明賞罰以盡士力詰禁誅暴懋昭乃

勲敬事恤人無替成命膺茲重任可不勉歟

建中四年九月二十

六日

副元帥

郭子儀兵馬副元帥制

賈至

見唐大詔令

制昔伊尹與湯合傅說與高宗合尚父與周公合故哲后

良臣莫不至合非賢不又有關必先久大之業也公上
略宏才博信明誼受我旄鉞輯寧區夏典器銘勳高視
前古實邦家之傑豈獨為予社稷之衛可獨弼予節制
咨謀安危斯屬懼朕之不稱也往欽哉司空子儀可兵
馬副元帥主者施行

至德二
年四月

李抱玉河西等道副元帥制 常 袞

勅周以元老監方伯漢以丞相撫四夷則軍國之務中
外一體自華陽而西至於隴坂涉河之右兼控五原摠

三將之帥專萬里之寄詰禁經武宜有統制憂邊謀思
深仗輔臣開府儀同三司行兵部尚書同中書門下平
章事潞州大都督府長史知鳳翔府事充懷鄭澤潞觀
察處置等使仍充南道通和吐蕃秦隴臨洮已來觀察
處置等使上柱國涼國公李抱玉文以經邦德以鎮俗
孝友忠信人之模表禮樂刑政朝之訓式以道匡朕允
升大猷叅聽斷之可否載清淨以寧一魚委戎旅屏于
方夏知謀變化潛合神明將校悅從親如父子事出韜

鈐之外功成戰伐之前勤勞王家以衛社稷有致君庇
人之績冠旗常彛鼎之銘顧以國之憑倚久任憂患兵
車之半悉以咨之當不憚煩以時鎮定也可兼充山南
西道觀察處置度支營田等使判梁州事隴右懷鄭澤
潞等使如故充山南西道河西隴右等道副元帥

授馬燧渾瑊副元帥招討河中制

陸贄

門下天地殊位君臣異制苟不率道茲謂集作亂常退

為

亂常退

而增脩於是有舞干之義諭以遷善於是有文告之辭

若猶未悛乃用致討興戎動衆豈得已哉李懷光擢自

軍候委之節度亟有勤詔令績累加寵榮揔衆駿奔自

遠赴難解圍盪集作寇朕甚德之位極上台寄崇統帥

親之若同體信之無間言朕於斯人亦已厚矣而器小

任重固貽顛覆有功自棄無罪集作自疑崇信讒邪却

逐將帥養寇資亂集作蓄姦幸灾集作朕素所推誠

猶集作謂非實優容任遇常懷集作如初凶德既盈醜

跡彌露謀危社稷通結渠魁公相往來無復畏忌

集作避

窮

集作肆

極克悖所不忍言朕播遷

詔今作越

已梁遠遼陵寢

大懼失墜為列聖羞賴先澤在人兆庶知感朔方將士

集作校

忠節不渝懷光既沮

集作阻

姦謀詭稱効順累陳款

疏請詣闕朕深惟舊勲務欲全貸授以師保

集作傳

之

重疇其并賦之食璽書勞問誓以始終懷光遂殺辱使

臣完聚守備將以悖慢之罪加於忠義之軍因茲脅從

冀與同惡謂衆可罔謂天可欺覆載所不容人神所共

棄討除大慙招緝非辜爰咨輔臣以董戎寄銀青光祿

大夫檢校司徒

詔令作空

平章事兼太原尹北都

詔令作京

留守

充河東

集作中非

保寧軍節度觀察處置度支營田等使北

平郡王馬燧操業端亮器宇閎達

集作氣宇宏達

秉難奪之節

負不羈之才恒持至誠

集作公

深識大體感慨

一作激

而三

軍有勇彌綸而庶績允諧威聲所臨郡邑皆復

集作服

殿

於

集作子

北土隱若長城元從奉天定難功臣開府儀同

三司行

詔令作守

侍中兼靈州大都督充靈鹽豐夏等州節

度管內支度管田觀察處置押蕃落等使仍克朔方邠
寧振武等道奉天永平等軍行營節度兵馬副元帥上

柱國樓煩郡王渾瑊淳粹積衷

詔令
作中

仁厚成性布

詔令
作蘊

寬大以容衆著誠信以撫人事必沉詳臨危益辨節惟
貞固在險逾彰弘濟艱難茂詔勲開出納朕命光膺具

瞻並文武全才安危注意副我憂矚時惟二臣比德叶

謀往濟

集作
清

多難燧可兼充奉誠軍及晉絳慈隰等州

節度并管內諸軍行營兵馬副元帥餘並如故城可兼

河中絳州節度觀察處置等使仍克河中同絳陝虢等
州節度及管内諸軍行營兵馬副元帥功臣開府本官
勲封並如故嗚呼朕之不敏不明失於君道連禍未息
勞師靡居中心自咎鬱若焚灼又以朔土之衆代

集作
大

著忠勞橫遭汙脅深所閔惜爾其敬敷朕命明諭朕懷
務於招綏非黷威武惟輸誠歸順罔有不赦惟執迷非
命

集作
拒順

罰止元兇寧失不經無濫非罪列爵懸賞用俟

勲賢布告遠邇咸令知委

集作
悉

授李晟鳳翔隴右節度使兼涇原副元帥制

前人

門下周之元老以分陝為重漢之丞相以憂邊見稱故
方嶽克寧疆場不聳安人保大致理之端今所以重煩
上台作鎮西土奉天定難功臣司徒兼中書令克神策

節度使兼京畿渭北詔令
作南廊坊丹延等州節度觀察處

置等使仍克京畿詔令有渭
南二字渭北商州華州集作商
華等州兵

馬副元帥上柱國合川郡王李晟勵精剛之操體博厚

之德適時通變

一作動
適時變

而大節不奪虛受廣納而獨斷

自明奉法以律身推功以及

集作先

下衆無犯命人用樂

推

集作從

懷德畏威令行禁止誓群帥

詔作帥

於危疑之際

駐孤軍於版蕩之中氣凌風雲誠動天地一鼓而兇徒

折

集作攝

北再駕而京邑廓清師皆如歸人不知戰載安

社稷

集作宗社

功格皇天而明識秉彛清風激俗雅尚恬曠

為謙有光朕以汧隴近郊扶鳳右地川阜連亘抵於

集作

于田中限界諸夷

集作戌

藩屏王室所屬誠重付之

詔令作兄

付元臣兼二將之甲兵崇十連之統帥宣威耀德罷警
息人俾予仰成時乃丕烈可兼鳳翔尹充鳳翔隴右節
度支度營田觀察處置等使仍充鳳翔隴右涇原節度
兼管內諸軍及四鎮北庭行營兵馬副元帥改封西平
郡王功臣本官兼官勲並如故

興元二年
八月四日

都統

授王縉侍中兼河南都統制 常袞

門下天地之德資陰陽以成功帝王之道任將相而興

化聿求左輔命掌元戎必藉文武之才用經軍國之務
金紫光祿大夫行黃門侍郎同中書門下平章事兼弘
文館崇玄館大學士知館事仍充大清大微宮使太原
縣開國伯王縉有高妙之行有弘遠詔令之識學該古
訓文正國風夢帝賚予濟川用汝百揆時叙四維克張
累陳造膝之言彌契沃心之道濱海之右自河而南王
旅攸同戎軍殷會監于方伯之國利用建侯之司大將
息人予有禦侮鎮漢沔淮淝之地統齊梁魯鄭之軍揔

制高牙紀綱羣帥弘七伐四征之策成一匡九合之功
式遏外虞底綏多難將授銅符之律爰咨瑣闥之謀往
哉汝諧無替朕命可侍中持節都統河南淮南淮西山
南諸道節度行營事仍進封郡公食邑二千戶餘並如

故主者施行

廣德二年八月

授劉洽檢校司空充諸道兵馬都統制

陸贄

門下論道經邦允歸碩望建牙統衆必藉雄才中外具

瞻安危注意今以

集作之

二柄委之

集作付以

元臣開府儀同

三司檢校尚書左僕射同中書門下平章事使持節宋

州諸軍事兼宋州刺史充宣武軍節度支度營田宋毫

穎等州觀察處置等使仍權知汴滑宋毫等州

集作道

都

統兵馬事上柱國懷德郡王劉洽秉志端亮飭躬簡儉

博厚足以容衆和易足以長人純孝榮親盡忠事主分

我間寄殿予大藩

集作邦

扼

集作桓

制淮夷保

詔令作堡

障楚甸

戎捷繼至軍聲載揚殪群寇於宛丘驅大憝於梁野控

引漕輓委輸京師予嘉乃懋

集作異

勲亮

集作懋

乃貞節用

錫丕命俾揚王

集作弘

休燮贊三台紀綱羣帥式是大任

爾惟欽哉可檢校司空同中書門下平章事依前充宣

武軍節度支度營田宋毫穎等州觀察處置等使仍充

宋毫穎等州管内諸軍兵馬都督散官勲封如故

授范希朝京西都統制

白居易

門下閭闔風至太白星高謀帥護邊國之大計具官范

希朝中貞勤儉以為質惠和智勇以為用一代名將三

朝信臣朕以西邊列鎮三四若有摠統則易成功思得
良帥有威名者并護諸將歲一巡邊乘秋順令揚其威
武則南牧之馬引弓之人知我有備不戰而去誰可任
者無如希朝以爾有朔方之勞有振武之効功在疆場
名聞羌戎惟實與聲皆副是選今拜爾為大將尊爾為
司徒節制進退一令諸稟倚望如右可不慎歟可克京
西都統

招討使

加裴度幽鎮兩道招討使制 元 稹

門下夫以區區秦伯而猶念晉國曰其君是惡其人何
罪况朕均養億兆為之君親燕人冀人皆為乳哺而育
之者安忍以豺狼驅脅之故絕其飛走盡致網羅止行
犯命之誅是用開其一面河東節度觀察處置等使金
紫光祿大夫守司空兼門下侍郎同中書門下平章事
大原尹北都留守上柱國晉國公食邑三千戶裴度昔
者區域之中蜂蟻巢聚蔡有逆孽齊有狡童厥初圖征

疑議滿野不懼不惑挺然披攘苟無司南允罔能濟佑

我憲考為唐神宗實賴

集作惟

股肱運用心力肆朕小子

蒙受景靈冀服於前燕平於後而撫馭失理盤牙復生

求思弭寧中夕有得國老尚在夫何患焉是用亟宣懇

惻之誠就加招撫之命於戲頃者師道元濟乘累代襲

授之資藉山東結連之勢以丞相布畫於千里之外使

諸將持重於四封之中而猶劉悟裂虵豕之軀李佑潰

鯨鯢之腹蓋逆順之情異而忠孝之道明也况彼幽鎮

無名暴征

詔令作征暴

以丞相近觀其宜以諸侯齊奮其力

斧鑕之刑坐迫椒蘭之氣外薰誰不自愛其生焉能與亂同死度宜開懷緩帶以待其歸可依前守司空兼門下侍郎同中書門下平章事河東節度使充幽鎮兩道招撫使餘如故

加裴度鎮州四面招討使制

門下傳云死者不可復生刑者不可復續是以先王斬一枝

集作支

指殺一犬彘莫不伏念隱悼至于旬時決而

行之

集作
者

蓋不得已也予於鎮人亦既

集作
然

伏念俟其

俊革詎止旬時乃命相臣招懷撫諭矜其誑誤示以生

門期於盡脫網羅豈可驅之陷窞而豺狼當道荆棘牽

衣雖欲歸於有仁

詔令作歸於有生
集作歸之於仁

厥路無由而至况

王師壓境義勇爭先朕每抑其鋒鏖未忍覆其巢穴是

猶愛狼莠而傷稼穡養癰疽以潰肌膚獨懷兒女之仁

慮失祖宗之典今上台居鎮筭畫無遺操晉陽之利兵

驅屈產之良馬舉河東義武之衆合滄景澤潞之師當

元翼受命之初乘田布雪寃之項舉毛拾芥其易可知
兼用威恩尚存招致宜令河東節度使裴度充鎮州四
面招討使於戲以一城之卒敵天下之師徇猖蹶詔令
作狂
之徒抗君父之命吾哀爾輩死實無名苟能自新亦冀
容汝主者施行

鳳翔李業河東李拭並加招討使制

崔 琮

門下邊境未寧固資於選帥輪轅適用必在乎與能無

煩易地之勞各副長城之委鳳翔節度使檢校刑部尚書李業生自將門久知虜態悅詩禮而不倦索韜鈴而甚精河東節度使檢校禮部尚書李拭早膺儒術克擅文場幼挺瑚璉之姿尤通冉季之政並累更重任必播能名或居劇塞而練卒討羗或領北門而尅已訓士皆勤勞備著功效居多朕以右輔之新拓土疆是資綏輯大鹵之連控戎落尤藉隄防或更戶封之崇或仍舊貫之美各膺新命無替前勞

異姓王制

冊太原節度使守大師兼中書令晉王制

錢 珣

維年月日皇帝若曰我國家作法於仁達情以禮振典
纂而誕告載名器以公行何嘗不動懷多難豐報丕烈
矧乃圖先廟社允集王功誠動日星必承天祐王功建
而臣節盡天祐至而君命宜昔經武為師賜履荷宗周
之寵今在邦稱傑剖符受全楚之封英偉相俦古今同

典當勲而舉非我有私具官某博厚自持堅剛不惑抱
公能察守貴必恭騫然飛將之風增彼懦夫之氣而先
臣竒備間代雄才圯上視書太公來受雲中饗士李牧
復生出鞏洛以行師轉淮沂而殄寇倬哉茂績興在後
昆爾乃開國象賢勤王繼志諒因心而無改敬遺體以
有為英蕩既臨文箇是籍率乎羣后自絕他時控彼諸
戎下連右臂日者驅除大盜爰復神州焜燿元功載書
盟府以啓紹開之慶是資戡定之勞而復念先朝荐罹

否運朱玫則罪極邊伯李煜則親非子顏肆其樹置之
謀黷我纘承之統是以奮飛長檄條列本枝遏濟惡之
亂流披崇姦之僭黨夷兇有力賀福無違近則王行瑜
驕以叛恩顛將敗族爾乃先知塗地每耻同天顧刑憲
之可加抗封章而不避潛思軟血憤欲寢皮而逆豎犯
闕興兵朕方奔車出次始懷愧懼未暇剪除行瑜轉禍
終迷于誅罔畏螫手而不能自斷噬臍而誰復與論爾
聞難成憂直躬決策衝冠激怒折筮興言龔行已勵於

五中急召寧煩於二節武剛夙駕屈產跳驅存誠而有
禮則安舉事而不疑何卜乃聲鍾鼓乃合諸侯留屯雖
在於郊圻宿飽匪勞於漕輓爾臨渭曲深溝而親拒寇
讎我復鎬京高枕而無虞侵軼然後進攻外壘盡復強
軍支剪喉毒如麻滿野或反袂以來獻俾唯類之不遺
元惡出奔勢窮就戮廓清而罷約束尚嚴受降兼讓於
使臣擇帥請行於國命一如紀律以報會盟天贄孔昭
主憂盡釋始未見若之面今盡見若之心神聽斯言衆

圖是賞畫雲臺而莫顯篆樂石而非多師氏建官位惟極致春秋列國晉實大名典重而近古不行勳盛而予衷何愛廣廷備物且授詞臣法坐臨軒式光禮命今遣中書舍人薛廷珪冊爾為大師兼中書令仍進封晉王於戲獨立王功忠乃善藏之府永膺天祐敬惟能保之軀則必慶于而家樂于而土戒之勿息與國無窮

李茂貞封岐王加尚書令制 吳融

門下夫天有星辰為之綱所以保乎乾健地有山嶽為

之鎮所以定乎坤柔故王者話夾輔之臣資股肱之任
安危所係動靜是憑其在周也則姬公盡心於經營其
在漢也則絳侯竭力於匡贊惟天所相何代無才厥生
英賢為我柱石極茲艱運樹彼洪勳欲示褒旌爰加徽
數具官某三光結粹一氣融精合鸞鳳之正音動諧律
呂有麒麟之逸足一作步迨出塵埃抱鐵石於寸心棲雪
霜於勁節倜儻恢廓深沉溫雅允為王國之楨實稟生
人之秀自岐陽振跡隴右成功虬騰周翰之間鸚立漢

壇之上弓鳴霹靂劍躍蜿蜒指揮而川陸可回叱咤而
風雲立變一居右輔累復皇都殊庸已煥於旗常嘉頌
早傳於金石闕昨妖興肘腋釁起宮闈而能憤激衷腸
密施籌畫致禁軍之罷武戮當路之豺狼安宗社於綴
旒復乘輿如反掌人祇共慶華夏同歡既而仗瑞節以
來朝秉桓圭而展敬靜與之語簡而有常動叶生知克
符中道披肝露膽皆本於至誠言發涕零必期於盡瘁
感通天地激動人臣得不嘉乃竒功申茲異渥表爾優

宗南省統率六宗

一作卿

尊大西郊封超五等在常時而

難舉非盛烈而莫當傑立羣倫光流萬代勉膺朝獎敬
答天休可守尚書令兼侍中仍封岐王餘官勲並如故

授韓建昌黎郡王制

韓儀

門下記曰諸侯有功德於人者加地進律書云德懋懋
官功懋懋賞其有功宣於宗社德被於生靈立扶危定
顛之勲展安祖建儲之力忠誠貫天地貞節伏鬼神須
行不次之恩用報非常之績俾諧僉議爰舉寵章具官

某維嶽降神自天生德巨材山立雅量海深行健不以武而以文明處順不以邪而以忠正其動也直其靜也專孫武理兵令惟畫一文翁訓俗教必在三臨大事則侃侃丈夫在平居則謙謙君子生知無對默識絕倫自鎮關防已周星律化驍雄之士盡閱詩書流愷悌之風大行鄉里去秋迎鑾郊次駐蹕州城語時事之艱危言淚具下奉行朝之供億勤竭無渝而又請謁元龜載營複廟纔當旬浹更事嚴裡椒壁虹梁備闡壯麗禮容備

物靡不精周既而首貢封章議建儲貳復六十年之墜
典振三百載之洪規邦本以貞丕基永固寔自良畫成
此懿圖去不令之人以清朝列懲左道之革用肅羣倫
謀無不臧動有成憲肇我中興之業因其活國之誠永
念殊庸實無與二是乃錫功臣之號封異姓之尊用答
元勳勉膺異渥噫嘻當屯室之時雖危無咎者鮮乘泰
亨之際在上不驕者難全卿始終罔怠操執贊輔以德
永孚于休

授王鎔常山郡王羅弘信長沙郡王劉仁恭彭

城郡王制

門下五嶽承天共振橫宵之力四溟紀地咸施潤下之
功所以國之獻臣時之哲輔亦如華崧衡霍登九命而
冠三公海瀆江河輯六瑞而踰五等居牧伯之位秉桓
信之圭苟非茂績昭宣殊勲荐洽豈可膺茲並命用叶
魚諧我有三臣實全七德爰舉疇庸之典式符進善之
經具官王鎔夙紹弓箕丕承堂構襲重侯之積慶允武

允文奉先王之成規克勤克儉剛簡而無傲虐粟直而
務溫寬言必有章動不踰矩具官羅弘信將星瑞彩卿
月祥光常竭力於公門每推心於王室保大有九三之
盛任重而不危守中孚六四之貞致遠而不泥既為良
帥復號吏師具官劉仁恭氣薄雲天義形霜雪秘玄符
於腹筭機術無儔運黃畧於意筌弛張有度以恬養智
用壯處謙三軍敬之若神明百姓仰之如膏雨居然侯
度屹若國禎而皆道邁殷賢名齊漢傑洞達摠戎之要

剪起扶輪精通育物之源龔黃拜手犬牙而理人心以

寧屏蔽一隅繚長城於翰海藩垣中夏布橫

一作貳

落於

天田疇咨協恭奮揚熙載或尊

疑作奠

茲冀土成阜安於

大名或宅彼幽都共綏懷於有北駢闐勳緒照灼簡書
敷進律之殊恩獎殿邦之美化真相正三台之位掌武
居一品之尊增實封以錫圭田升虛邑而光實節酬功
報德惟恐不多勉竭乃誠各膺休命

授成納上谷郡王制

門下朕聞賞有功則勞者勸考其績則政事彰能否既
分黜陟斯在有其勲已銘於簡冊化復被於謳謠表率
公侯澄清土宇靜夢澤於千里盡闢汙萊曜軫宿於九

霄光生芒角行爵繼

一作出

祿顯忠遂良式副僉諧爰登

寵寄具官成洎氣合冬日志烈秋霜蘊雄特之標中能
抑畏抱介潔之操外富通明自節制衡巫統臨荆楚承
匪人之貪虐屬生聚之流離比衛文之革車兼無三百
同魏相之版戶畧不盈千會

疑作曾

未踰時俄成樂國井

闔富庶人物殷繁璣組之賦聿脩苞茅之貢常入若冊
靡闕箇籟咸臻睦隣而四境風行蕩寇而三峽浪息况
蔓聯湖嶺輻輳梯航既水陸之靡難致賦輸之罔滯績
茲功緒實謂忠勞苟無舉善之文是廢疇庸之典今則
移紫微之尊秩疏異姓之殊封位冠三台爵踰五等用
獎分憂之績乃申進律之恩勉力在公傾心報國服我
休命無忘恪恭

趙凝進封南康王制

楊 鉅

門下叩黃鍾者大則大應建殊績者多則多疇匪我之
私惟人所召亦若樹桃李者而獲其實勤蔗菘者必蓄
羨糧安有豐功而無貴仕况我襄岷與壤荆吳要津資
上將之撫寧興庶人之歌詠宜旌善政以馭殊榮豈惟
疇庸式俾垂勸具官趙凝訓承馬服術茂龍韜蘊侷儻
之宏才負縱橫之遠畧性推忠厚連營懷敢死之心德
尚寬和比屋佩來蘇之化加以戴君義切許國誠殷集
列岳之梯航贊大朝之經濟憂時奉法曾不捨於朝昏

問俗撫封固尋彰於遠邇使鳳闕罷祈夏水澄源歡康
以布於百城政令克齊於五屬是用特申異數用顯休
勲封崇既盛於一時寵貴仍遷於右座爾其彌勤後効
益暢前脩為垣翰之準繩遂鄉閭之帖泰永刊鍾釜以
奉簡書厥惟丕承勿忝休命

文苑英華卷四百五十一

欽定四庫全書

文苑英華卷四百五十二 宋 李昉等 編

制書五

節鎮一

授崔希逸左散騎常侍兼河西節度副大使制

大平內制

門下位忝顧問必擇正人道重威懷實資良帥朝散大夫使持節陝州諸軍士守陝州刺史上護軍水陸轉運

使崔希逸雅稱瓌偉

一作偉度

常聞大節沉畧有制精識必

斷鎮臨湟塞守在羌戎且利安邊兼資用武宜其謀此
令德式叶遠圖俾聯寵於軒墀往綏靖於河隴可守左
散騎常侍持節河西節度經畧支度營田九姓長行轉
運等副大使知節度涼州事赤水使隴右河西採訪處
置使仍賜紫金魚袋散官勲如故

授李尚隱戶部尚書益州長史劔南節度採訪

使制

門下司徒之職事殷九賦連率之任寄重十州兼而統
之其在能者銀青光祿大夫守太子詹事上柱國高邑
縣開國子李尚隱長才致用直道為謀大任亟登晚節
彌厲臨事克斷不敢於煩苛去邪勿疑無避於強禦必
能內均土壤外撫華戎保息萬人俾脩夏官之典澄清
三屬仍揔使臣之務可守戶部尚書兼益州大都督府
長史持節劔南節度營田副大使兼節度採訪處置使
散官勲封如故

授烏重胤河陽節度使制

門下鎮衛甸服控臨河津當五達之要衝主三軍之號
令自頃選任多用勲勤必為忠良乃稱獎擢昭儀軍節
度右廂都押衙兼馬軍都知兵馬使同州節度副使銀
青光祿大夫檢校太子賓客兼潞州大都督府左司馬
御史中丞上柱國張掖郡開國公烏重胤稟潔白之性
抱堅貞之責任湏不緇凌震益茂承家得孫吳之術許
國慕辛李之風固已業擅戎韜聲滿軍府乃者山東整

旅河右致誅守臣習非浸以成過事君不信撫衆無恩

言多隱欺政務苛刻孤我委遇自虧功名士心咸忿其

驕矜人力頗怨其凋盡雖趣名而有命益羣情之不容

惟爾跡在轅門屬當此際一言秉禮百姓一作衆無譁居

常表持重一作正之難臨事見知幾之勇况地當師次營

歷膚塵人情素悅而易從軍令既明而自戢眷茲諒實

可委蕃垣必能同士伍之衣食知黎元之痛苦繼前政

之風躅為將來之表儀是用拜之壇場授以旌鉞命副

相之崇秩牧單懷之舊封式佇嘉猷用報明獎夫行高則名著事舉則功存立政在初為人

疑作仁

由已無或墜

替欽承寵光可使持節懷州刺史御史大夫充河陽三城懷州節度管田等使散官勳並如故主者施行

授鄭涯義武軍節度使制 玉堂遺範

門下鮮虞

一作于

舊國上谷雄藩揔中山之甲兵接薊門

之封壤睠求良帥允屬碩臣銀青光祿大夫守太子賓客分司東都上柱國滎陽縣開國男食邑三百戶鄭涯

弘廓宏才易簡正性雅

一作偉

量溟廣貞標嶽孤通鈐匱

之奇書負珪璋之雅器自發揚術業歷踐清途懿聞淑

聲推為茂德日者常

一作嘗

膺獎任屢鎮方隅惠愛洽於

轅門謳歌溢於閭井洎謫居遐激旅處洛師惕厲日聞

屯夷一貫是命載圖來効復議寵遷於戲選將之難古

今為重而况易水之上尤藉謀猷爰求惟舊之賢式重

作藩之寄爾其勉思鎮馭益念訓齊惟克己可以愛人

唯推思可以撫衆壞帳豈專於仁祖

晉謝尚
宋仁祖

寨帷宜嗣

於賈琮俾外秩於春卿更增榮於亞相往承休命無忝
新恩可檢校禮部尚書使持節定州諸軍事兼定州刺
史御史大夫充義武軍節度易定等州觀察處置北平
軍等使散官勳封如故主者施行

大中九年九
月十四日

一作皆大中制誥

授劉悟滑州節度使制

門下王者驅大順以道至和不能無狡寇天將廓氛氣
以息暴亂則必有忠臣非處迷何以明其勁節非嘉獎

何以表其尤功况討罰之初詔命斯著高懸寵爵獲則
當之淄青都知兵馬使金紫光祿大夫試殿中監察御
史上柱國劉悟忠孝一作之後義勇為心久淪跡而未

伸每蓄謀以思奮屬姦兇負阻將帥徂征宣威已震於
河山肆逆猶固其巢窟遂能潛通密款先事指期決策
於萬衆之中挺身於重城之內感深而信誓若一氣直
而神明為徒梟彼渠魁殲厥醜類乃飛章以馳獻繫大
慶之遐聞臨軒載懷是舉斯命眷彼雄鎮惟茲滑臺有

二郡察俗之殷其人勁而剛有三軍制節之重其士毅以肅俾膺分閫式委觀風超昇題劔之名所以崇其望兼假弄印之任所以峻其威疏封廣載其土田真養爰優其戶賦仍加厚賜用示深恩高門大啓於通衢別墅榮分於沃野凡是賞典稱乎國章於戲在昔天寶季年羯胡首難惟悟之祖職居平虜能戮賊臣竟通朝命賜名以旌其忠授鉞以仗其材今悟又能除妖可謂濟美勉持忠孝以保家邦可檢校工部尚書使持節滑州諸

軍事云云

授田興魏府節度使制

門下經邦制理先務於安人乘義秉忠

一作秉義納忠

良存乎

體國有其堅持正性動合衆心材當與能善可垂勸則
宜荷推轂之寄為分閭之臣建侯貞節宣我利澤魏博
光軍步射都知兵馬使同州節度副使僉校祕書少監
御史中丞沂國公田興深明有融忠孝是力介若金石
通乎弛張効用思齊於昔賢潔誠期報於君父生此王

國跡淪戎蕃逢時乃彰會節有立日者元臣即代胤子
幼年小人任事以作威諸將屏息而增懼政理茲紊刑
章亟乖羣情危疑幾至顛越朕用憂憫方圖輯寧而興
任在轅門心惟大體義勇斯奮姦克伏辜士心所歸不
令而肅征鎮安固厥庸茂馬既而保貴胄之家將致上
國全故帥之績永復中軍表章屢陳情懇備至以勳則
特異以義則可觀周旋令圖盖有餘裕朕高懸爵命以
待能賢嘉爾殊勞允宜懋賞晉軍謀帥却縠嘗學於詩

書漢將議功竇融實冠於名節魏郊巨鎮河上與區伏

鉞可以宣國威觀風可以率彝典習俗至於丕變疲屯

後而

一作於

汜康佇光策書用寄心膺榮級俾登於七命

顯秩超踐於六卿仍兼副相之雄以重元戎之寄服茲
休命其懋戒哉可銀青光祿大夫檢校工部尚書兼御
史大夫充魏博等州節度觀察處置支度營田等使

授范希朝神策軍

三字一作京西行營

節度使制

玉堂遺範

門下古之命將帥修封疆在於整軍非以耀武故繕理亭

障訓齊車徒以申國威以固王畧非誠節昭一作茂著無以

分統六師非勲績彰明無以并護諸將副茲重任實在忠

賢特進檢校右僕射右金吾衛大將軍充右街使成紀男

范希朝有貞臣之節有良將之風識達武經學綜兵要臨

事能斷好謀而成嘗領元戎鎮于朔野控河上一作中之塞

拒漢南之庭脩其政刑諭以威德士吏向化一作慕裔夷綏

懷入覲京師策勲王府洎司警衛禁旅增嚴直道彌彰嘉

庸益茂固可以總統北落節制西陸成魏絳和戎之勳振
晁錯備邊之策俾異俗率化穡人成功師乘以和烽候無
警懋建一作昭丕績時乃之休可開府儀同三司檢校左僕
射兼右神策軍京西諸城鎮行營兵馬節度使封如故

一作皆唐大詔令

授韓弘宣武軍節度使制

門下統制大刑摠率羣帥功庸既獻于社爵服宜加於
朝翼宣帝猷出納王命持綱以揆百度贊道以釐庶工

時惟宥宥昔所華重寵我元輔昭其茂勲淮西諸軍行
營兵馬都統宣武軍節度副大使知節度事管内支度
營田汴宋亳穎等州觀察處置等使金紫光祿大夫守
司徒同中書門下平章事使持節汴州諸軍事守汴州
刺史上柱國穎川郡開國公食邑三百戶韓弘天毓間
氣時推上材靜蓄滄波不測之深動發迅雷殷然之勢
竭彼肝膈忝予股肱殿于中邦式是四表自淮瀆倣擾
將校徂征而原燎方揚妖氣不歛爰命巖廊之傑董茲

魏武之師薦其忠誠勵彼勇節叅掌廟算指授神機策
畫得於慮深威畧宣於致遠俾趨重地遂援堅城毅中
全謀果立奇績既殄兇醜宜疇厥庸載加常伯之崇以
正宰司之位詔爵增邑懋茲休勲爾其敬之服我成命
可守司徒兼侍中使持節汴州諸軍事兼汴州刺史充
宣武軍節度副大使知節度事管内支度營田汴宋亳
潁州等觀察處置等使許國公食邑三千戶散官勲賜
如故王者施行

授張弘靖太原節度使制

門下授鉞之賜其惟爪牙掌管籥之司允歸心腹况乎天兵作鎮王業成都全晉山河陶唐風俗外以威懷七狄內以承衛二京操節度戎師之權兼澄清列郡之寄訓齊五校表率一方歷選元僚無逾上相中書令張弘靖高蓋若慶大珪含章和順在中莊敬發外翼翼有致君之道兢兢懷許國之忠言觀器能早授方任風謠果浴於分陝膏潤實彰於近關洎登為鼎臣輔我衮職

出納萬務清明一心弘宣遠猷慎守成式夢帝所賴

疑

伊人是瞻朕以龍山之前卒

疑作辛

乘殷會鴈塞之上稽

胡雜居求明畧以拊循資盛名而鎮定是用輟於鈞軸
授以節旄崇高超列於天官密勿遙叅於台席敬聽後
命載揚先聲在貞元初乃考成肅公弼諧德宗以敷景
化肆予嗣位推爾業官匪惟勤勞于我邦茲亦光輝于
爾室於戲入而惟輔出而為藩行思永圖勿替舊服可
檢校吏部尚書平章事云云

授裴度彰義軍節度使制

令狐楚

門下輔弼之臣軍國是賴興化致理則秉鈞以居取威

成

一作定

功則分閭而出所以同君臣之體而一中外之

任焉屬者問罪汝南致誅淮右蓋欲刷其汙俗弔彼頑

人雖棄

一作挈

地求生者實繁有徒而嬰城執迷者未革

一作剪

其志

一作類

何獸困而猶鬪宜烏窮之無歸歟由是

遙聽鼓鼙沂輟樞軸授以成筭

一作更張琴瑟煩我台席

董茲戎旃

朝議大夫守中書侍郎同中書門下平章事飛騎尉賜

紫金魚袋裴度為時降生協朕夢卜精辨宣力堅明納
忠當軸而才謀老成運籌而智畧前定司其樞務備知
四方之事付以兵要必得萬人之心是用禱于一作上

玄擇一作此吉日帶丞相之印綬所以尊其名賜諸侯

之斧鉞所以重其命爾宜大布清問恢壯徽猷感勵連
營蕩平多壘名懷狐疾字育夷傷况淮西一軍素効忠

節過海赴難史策上一作勳建中初攻破襄陽擒滅崇

義此一作者脅於克逆歸命無由每念前勞常思安撫

所以內輟佐輔為之師帥實欲保全慰喻使各得其宜
爾往欽哉無越我不訓可守門下侍郎同中書門下平
章事使持節蔡州諸軍事兼蔡州刺史克彰義軍節度
管內度支營田使一作事申光蔡等州觀察處置等使仍
充淮西宣慰處置使散官勲如故

一作皆唐大詔令

授崔弘禮天平軍節度使制

玉堂遺範

門下節制師戎

一作旅

考

一作庶

察風俗誠藩方之倚任實

朝廷之注意至於簡拔常所重難況齊魯分疆河朔接境遏寇虞而固封守宣德教而按州部付之專柄思得全才是用輟近輔之循良撫東平之凋瘵式字成命所為至公正議大夫云云崔弘禮文學發身擴之以襟度忠信為主輔之以誠明累分郡符亦摠戎鎮理行第一奏課連最來必畏晚去常見思挹長者之聲光得大臣之體要屬樂陵未靖戎事方殷上宰憂勞舊恙纏迫念

茲易置期在惠安當使恩威並行剛柔適用率之以義則無不化齊之以禮則罔不服恢武畧以經務清吏職而約法必有餘地以康吾人大將鼓旗諸侯弓矢文昌顯秩憲府雄班叅以命之寵茲俞往承我休德勿替前修可檢校戶部尚書使持節鄆州諸軍事兼鄆州刺史御史大夫克天平軍節度鄆曹濮等觀察處置使散官勲如故

授李愬山南東道節度使制

詔令作李愬移鎮加官階爵邑制

玉堂遺範

門下伐叛除兇必俟乎竒略進封超位允答於殊庸况

四紀逋誅三州竊據積妖遺育縱亂一作逆挺災累年徂

征一舉主致論功既當一作歸於異等議賞豈待於踰時

唐隨鄧等州節度觀察處置等使通議大夫檢校左散

騎常侍使持節鄧州諸軍事兼鄧州刺史御史大夫賜

金紫魚袋李愬宗臣之胤王國克生毅勇蓄深溫良煦

外禮樂戰攻一無攻字之器默識其源詩書義理一無理字之府

洞窺其室雖早昇朝序而未展將材頃以懸瓠滔天宿
兵既久方城歷境易帥頗頻永懷韜畧之家必有弓裘
之嗣將一作分執金鼓載持干旄果副眷求克揚威令緝
傷夷之後振怯為雄制密邇之間保危成固推忠厚以
感物本信惠而知人一其鬪心厲厥一作彼死力乘虛徑
襲負雪兼行風驅如合於百神雷發一作震若出於九地
堅城立潰狡豎坐擒遺毗安堵以知歸餘黨釋甲而請
命古之良將其孰過焉已申獻捷之儀當舉策勳之典

爰擇

一作投

名部俾恢重藩自洛而遙惟襄為大綿亘楚

服橫臨漢津揔八郡以澄清秉三軍之節制式因加地

往繼沉碑特遷左揆之尊崇茲

一作崇

天秩仍假南臺之

長峻彼

一作用峻

霜威表以勲階賜之茅社

一作土

戶豐真食

門貴延恩洽此寵榮從于茂烈於戲天鑒非遠

一作昧

不

庭者必誅王爵無私有功者是享揚名濟美惟孝著於

家聲鍾鼎山河惟忠光于國籍凡曰臣子得無企歎可

銀青光祿大夫檢校尚書左僕射使持節襄州諸軍事

兼守

一作

襄州刺史御史大夫克山南道節度管内度支

營田襄鄧唐隨復郢均房等州觀察處置等使仍賜上

柱國封梁國公食邑三千戶并賜食實封五一作百戶

與一子五品正員官主者施行

一作皆唐大詔令

授李光顏忠武軍節度使制

門下投鈇鉞之寄當兵車之會力鋤兇險志殄寇讎星
霜固難奪之誠始終見師貞之節嘉猷益茂力集休勳

宜崇寵光肆于時夏考諸前志斯為大經忠武軍節度使李光顏崆峒秀氣為時生才謙和不流簡厚能斷本忠信以經武閱詩書以理戎首職北垣聲雄大鹵受命既平於朔野懸車亦剪其巴庸已積功勞銘在鍾釜朕以淮瀆負固歷紀稽誅自投兵符獨運明畧分營先得其地險吞敵屢挫於賊鋒嘗下名城拔其趙幟制勝之術動合鬼神百戰表於忘軀一心注於報國歲月滋久堅誠不回當先妖就執之初是潰黨乞降之際單騎以

入其柵壘免胄而弔其傷殘納之不疑乃見全德今櫬
槍已滅申蔡無虞寢興以思用息戎馬則報功顯秩位
宜重於三公馭貴殊勲賦亦開於千乘陟論道之優禮
獎述職之崇名爾其敬之無替舊服可檢校司空使持
節許州諸軍事兼許州刺史御史大夫依前充忠武軍
節度管内度支營田陳許等州觀察處置等使仍賜上
柱國封武威郡開國公食邑二千戶散官勲如故主者
施行

授裴休荆南節度使制

門下王者分職設官所以理天下外建州牧侯伯內置
公卿大夫故野無遺賢朝無闕政俾率土絕愁嘆之音
接畛有富庶之泰當是選也豈可易乎具官裴休巖廊
重德文學宗師才為代生智尚物表發言所以興家國
修己可以伏華夷自奮藻儒林射策藝圃迴處顏冉之
列疊昇晁董之科濟代之心已彰於事業奉君之志皆
推於友朋抗疏七人之官正色三署之內縉紳多士慕

高韻以指南貝錦巧詞自退身於有北遂金玉王度丹

青憲章三領庶車一剖符竹皆著去思之稱共興一作歌

來慕之謠宏圖豈滯於割鷄令問果還於振鷺委茲文

柄任之春闈大呈公鑒之明備傳德疑作得人之美板籍

繁務筦推劇權成富國之奇謀施安邊之大略先皇帝

夢想髦彥勵精理道採以公論付以化權致百度之惟

貞覺三台之益重羗戎擾叛調發時雨之師農畝廢荒

申明作霖之旨凡所經濟知無不為四鎮入境而獲安

三軍推誠而俱感整疑盡臣節何愧古人朕以全楚與
區荆衡重地湊舟車之都會控湖嶺之要衝藉爾分憂
施吾惠澤蘇彼疲瘵勿倦殷繁玉帳兵符既榮冠於今
日文場武庫當繼蹤於昔賢一作時祇服典章無替徽烈
可檢校尚書右僕射兼江陵尹御史大夫充荆南節度
觀察處置等使散官勳封如故主者施行



文苑英華卷四百五十二

欽定四庫全書

集部

文苑英華卷四百五十三至五

詳校官庶吉士臣柳邁祖

助教臣常循覆勘

總校官進士臣朱鈐

校對官中書臣鮑之鍾

謄錄監生臣錢萬卷

欽定四庫全書

文苑英華卷四百五十三

宋 李昉等 編

制書六

節鎮二

授李燧

總目作燧

平盧軍節度使制

玉堂遺範

門下跨千里之山河察五城之風俗海物惟錯民庶實繁作我藩侯斯為重寄膺是任選其惟信臣通議大夫

檢校工部尚書兼少府監充內中尚使上柱國襲岐國
公食邑三千戶實封二百七十戶賜紫金魚袋李燧鍾
鼎垂休勲庸襲慶擅文武之全致蘊公忠之大經用富
機權學瞻韜略智足成務詞能飾身屢更惟月之曹亟
踐執金之貴嶠南著招撫之績涇上重訓齊之名英烈
之門爾實為冠一作繼於戲乃祖乃父克成元勲惟子惟
孫合異常寵是用擢爾于優散之地復爾于節制之雄
擁吾朱旗往鎮青社爾其敷我雨露脩吾政刑竭丹款

以事君推赤誠以御衆虛已接士傾心禮賢勿恃貴以
自驕罔厚歛以虐下使精銳之號益振於三軍愁歎之
音不興於百姓優寵之典吾何愛焉俾遷秩於秋卿仍
兼榮於弄印勉懋休績克終令圖可檢校刑部尚書兼
青州刺史御史大夫充平盧軍節度使登萊棣州觀察
處置等使散官勳封如故主者施行

授鄭愚嶺南節度使制

門下朕推轂求才登壇命將每於邊遠尤屬賢能况邕

南地界蠻鄉甫新戎號外虞連歲創痍焚劫之餘上將

開藩兵甲繕完之始中權所寄慎固尤難

一作慎
東固難

用廻

攘接之仁往整律竭之旅某官鄭愚價高東序氣茂南

薰挺超卓之奇名蘊精剛之利器詞源獨潛其波瀾經

筭莫窮其韜略貯

疑

自邾堂擧秀儉府增華霜署諫垣

聯翩羽翰郎曹史館洋溢聲光益部播戎率之功商嶺

著條刺之跡博洽強志居無流心遠略精能動有餘地

日者熟其業用委以察庶果能宣布惠和講求利病纔

報下車之政已蘇闔境之人發為歌謠流湍道路朕以
郎寧地分零桂共控夷蠻將以重城鎮於兩江壯服領
於西道俾崇旄節用固疆陲而屬統馭有乖拊循生變
戎章既失城守已離宜得通敏之材以敷勞來之旨是
用輟於隣部授以軍麾載觀易地之能俾服揚旌之貴
既懋師節仍長憲臺勉承顧遇之榮佇觀緝柔之績可
守邕州刺史兼御史大夫充領南四道節度觀察處置
等使散官勲封如故主者施行

授孔溫裕忠武軍節度使制

門下朕欲考名實以臨八表明賞罰以正萬幾為官擇人不可廢闕謁郊廟禮之重也設壇場旨之深也稱此劇選屬于僉諧朝散大夫守尚書戶部侍郎上柱國賜紫金魚袋孔溫裕才為國華德擅邦傑心勁而行密神清而氣和飛文凌邁於劉曹潔已庶幾於顏閔高標跂望迥立正途鳳彩葳蕤棲止碧梧之月竊情瀟洒徊翔紫蓋之烟自步武中朝馳聲內署甘泉侍從宣室對駭

相如之工爾實無愧河洛神明之政闕防惠養之風授
以版圖陟于蘭省奉二卿之班列司九典之征徃時論
益高官業彌舉宜申茂典式叶至公朕以長葛故城穎
州重地兵甲甚銳賦輿至殷爰委材能俾膺統馭泊于
訓齊師旅潤澤蒸黎導一作追爾前功何煩教令知臣之
道不亦至乎玉節彤弓已極儒生之貴儀曹憲印用彰
賢帥之威勿替令圖往祇休命可檢校禮部尚書兼許
州刺史御史大夫充忠武軍節度陳許蔡州觀察處置

等使散官勲賜如故主者施行

授鄭涯山南東道節度使制

門下王者之於元老碩臣優敬為大苟有繫一作煩於庶

務則思尊以寵童中外迭居眷惟魚屬文武二柄揭而
授之况弄印之威望已行淚碑之風流未遠將疇茂績
以繼昔賢金紫光祿大夫御史大夫上柱國滎陽郡開
國公食邑三千戶鄭涯鷓鴣瑞時璵璠希代鑿澈止水
氣融冬曦聲塵獨邁於軒裳符彩迥高於輪列多士程

準大朝羽儀禮容全備於身文和易雅彰於心術自承
明曉對建禮晨趨叅密命於北門演綸言於西掖相如
雄麗咸推視草之工孔先莊重空聞言樹之誠屢解交
疑於都座兼尹正於二原會府功著於彌綸神州政傳
於表則洎登車按部伏節總戎移風有佩犢之謹潔已
有掛魚之操輕裘緩帶而師律以貞投壺雅歌而氓俗
自泰屬者干旄入覲宣室對敬掌地征而天府既饒執
邦憲而朝綱載肅朕以漢臬巨屏峴首名都將鎮上游

必資全德是命輟於副相委以專征仍兼揆路之榮以
示啓行之貴敬踐乃位時惟懋哉可檢校尚書右僕射
守襄州刺史御史大夫充山南東道節度使管内觀察
處置等使散官勳封如故主者施行

授高承恭振武麟勝等軍節度制使

玉堂遺範

門下寓縣人安戎夷即叙雖亭障無虞於侵軼而卒乘
難廢於訓齊况乎保固邊方控臨雜虜將付戎律是擇

良才銀青光祿大夫檢校刑部尚書兼右執金吾衛大將軍御史大夫充右街使上柱國渤海郡開國公食邑三千戶高承恭爾先父勤勞王家式遏邊陲戡定庸蜀事存竹帛功銘鼎彝惟爾承恭克荷堂構學通竒正業擅機謀寬弘得大將之風質厚有端人之操早升朝序累踐寵榮擁緹騎以徼巡勤彰夙夜建油幢以鎮撫績著公忠嗣乃家聲為余爪士朕以單于舊地境接外蕃備紫塞之風煙屏黑山之寇盜是用錫以旄節俾作翰

垣於戲張兵守節

一作正

却酋長之金錄

一作孟非

陳泰惟公

緘豪右之寶貨遂得羗戎稽顙種落歸心行之非難勉
企前哲罔遺訓誠負我知人仍兼八座之崇式重三軍
之任保茲終始懋乃嘉猷可檢校刑部尚書兼安北都
護御史大夫充振武麟勝等軍州節度觀察處置等使
散官勲封如故主者施行

授高瓌劔南東川節度使制

門下南荆舊俗政美劉公西陝芳陰勲傳邵伯我用時

傑思齊昔人况梓潼奧區賢彥徊翔之地也稽玉堂之
顯効授黃鉞之殊榮輟諸禁林允叶令典翰林學士承
旨朝議大夫守尚書金部侍郎知制誥上柱國賜紫金
魚袋高瓌潘陸重價曾顏上流機神粹和道業堅白呈
瑞質而鳳離丹穴聳孤標而鸚鵡一作青天合珪璧之
寒輝咸資逸韻聚雲霞之秀色併在高文光映古今羽
儀中外項者名塲頡頏早振詞科桐閣從容長專奏記
乃升華貫爰近赤墀青瑣閣中封章不屈紫微天上詔

令無雙王褒真待從之才徐邈擅文儒之譽親提史筆
首列諫垣俄叅起部之榮遂陟夏官之貴鬱有公望稱
於朕心雖密贊大猷誠資敏識而將圖善政亦藉長材
眷彼左綿實為雄鎮旁控巴峽高抗一作蜀門前以幢
蓋劇權委任巖廊舊德歲久而功懋軍嚴而吏安改命
廷臣俾嗣仁化按節而去自春徂秋既以疾聞則宣代
用爾之俞往得於僉言勉竭公忠用酬倚注予欲成爾
美志故授以儀曹八座之尊予欲壯爾威聲故帖以憲

闡亞相之秩紅旌啓路紫綬登壇當年得之別是殊寵
勉務勲業副予意焉可檢校禮部尚書兼梓州刺史御
史大夫充劔南東川節度副使知節度事管内觀察處
置等使散官勲如故

授畢誠昭義節度使制

門下築壇申命推轂就途受幢節之榮分藩閩之寄膺
茲重任允屬良臣邠寧鹽慶武等州節度管内營田觀
察處置兼充慶州南路救接鹽州及當道沿途鎮寨糧

料等使朝散大夫檢校工部尚書使持節寧州諸軍事
兼寧州刺史御史大夫上柱國平陰郡開國男食邑三
百戶賜紫金魚袋畢誠字量凝曠業履端脩抱不器之
才懷盡忠之節聲馳文囿學茂儒林掇芳桂於月中擅
嘉名于日下自升朝籍畢踐清班屢鎮郊頗彰績効
得營平屯田之術有伏波備寇之謀曠土多栖畝之糧
窮塞無晏閑之壘是宜進律以勸將來尹於神州能安
疲瘵卑張敞擒姦之稱鄙廣漢摘伏之竒衢路絕赭衣

之人閭井稀桴鼓之響用錫武節明余無私乃眷壺闕
方擇良帥顧惟郟邑思繼成功副我旁求俾爾俞往陟
以五兵之秩升于八座之榮服茲寵光佇聞報政可檢
校兵部尚書兼潞州大都督府長史御史大夫充昭義
節度副大使知節度事充潞滋邢洺等州觀察處置等
使散官勲賜如故

授徐商崔瑛節度使制

門下建牙訓戎登車問俗分山河之委寄授旄鉞之寵

榮非夫試可之才難膺俞往之命河中晉絳慈隰等州
節度觀察處置等使正議大夫檢校戶部尚書兼河中
尹御史大夫上柱國東苑縣開府子食邑五百戶賜紫
金魚袋徐商植性忠厚接物通和愛日可觀澄波莫測
前宣州都團練觀察處置等使正議大夫檢校禮部尚
書兼宣州刺史御史大夫上柱國博陵縣開國子食邑
五百戶賜紫金魚袋崔璵守道堅固行已端方良玉齊
貞霜松比操並以才業優茂累踐清華或視草於內庭

或司言於右掖專一時之美價擅五字之雄詞既彰東里之能周歷南宮之秩洎築壇作鎮按部化人竭爾忠勤副余倚屬進律當升于重地酬勞宜處于近關乃眷漢濱扼東荆郢顧茲蒲阪俯適郊畿錫以旄幢俾之長理於戲惟惠可以安百姓惟威可以整三軍推誠而人必歸心尚廉而吏將自化謹是四者以綏一方服我新恩勉弘善政商可檢校戶部尚書兼襄州刺史御史大夫充山南東道節度管内觀察處置等使璵可檢校禮

部尚書兼河中尹御史大夫充河中晉絳慈隰等州節度觀察處置等使散官勲封如故主者施行

授蔣伸畢誠節度使制

門下入則持大政以調化源出則建高牙以主兵柄安危所屬選任尤難况地壓夷門鎮雄全晉藉機籌以分閭資紀律以臨戎爰得上才乃申並命河中節度使金紫光祿大夫檢校兵部尚書平章事河中尹上護軍樂安縣開國公食邑二千戶蔣伸道惟天縱氣實間生靈

芝茂三秀之姿威鳳富九苞之彩銀青光祿大夫守兵部尚書上柱國河東縣開國男食邑三百戶畢誠峻同嶽立注若川渟祥雲煥五色之章甘雨灑四時之澤而皆備更華貫周歷清途文飛藻麗之詞位蘊名卿之望或互叅禁署咸稱染翰之功或繼秉國鈞俱播和羹之美以伸輟於台鼎委以旌旄虞城興禮讓之風蒲阪肅關河之禁馳聲甚遠奏課居高嘉乃懿圖俾遷巨屏以誠萬機所繫微恙忽嬰願辭傳說之舟却曳鄭崇之履

今則復佩相印載陟齋壇用光推轂之勞式示彛章之重是咨爾德作于藩垣總梁國三郡之雄控侯衛中條之險於戲代天理物允屬英奇撫俗貞師豈勞戒勵服我嘉命往孚于休伸可檢校兵部尚書平章事充宣武軍節度汴宋亳等州觀察處置等使誠可檢校工部尚書平章事兼河中尹充河中節度觀察處置等使散官勲封如故主者施行

授蔡京嶺南西道節度使制

門下天賦全才所以登將壇而衛王室國有令典所以
舉能吏而懲慢官其有術業優長理行彰顯則宜錫殊
常之命行不次之恩乃崇德報功之旨也朝散大夫權
知太僕卿充荆襄巴南宣慰安撫使上柱國賜紫金魚
袋蔡京學富縑緗文含組繡識略甚遠智能出羣本於
孤貞濟以勤恪驂駟躩蹠向天路以無疑鷗鷺騰凌入
秋雲而不返早以豐藝陟于高科周旋官途振舉官業
簪白筆而獲聞峻節擁朱輪而克播清風班資既崇聞

望彌重去歲藩臣失守蠻寇犯邊永令遐長莫窮根本
用爾竒事申予至懷目前而情偽皆分言下而安危可
決運深謀而禦敵寧遠裔以成勲適及回車召于便殿
敷陳之際備得機宜浣吾憂勤賴爾忠蓋遂以月卿之
秩俾酬星使之勞爰藉變通更資宣撫載圖嘉績用洽
優恩朕濱海而南邕為重地城臨甌駱俗本剽輕居常
則委經略之權有事則付節制之任是用改其舊號建
以新軍一時之榮千古無對爾其頒惠養以馭衆示寬

嚴以訓兵濟活鄉閭保安谿洞貂冠近侍之首烏府亞
相之尊當此寵位宜何如哉於戲特舉徽章直謂殊渥
苟或失職吾何望焉勉於奉公勿以為喜可檢校左散
騎常侍兼邕州刺史御史大夫充嶺南西道節度使觀
察處置等使散官勲封如故

授王安實天雄軍節度使制

門下虜無南牧漢高魏尚之功地霸西戎秦用孟明之
力平襄舊壤成紀雄軍控壓外夷保障中夏請兵出塞

非幢節無以取威謀帥因時非材傑不足投任安邊制
勝移孝為忠俾膺紅旆之榮且用墨線之典正議大夫
前守右金吾將軍上柱國大原縣開國男食邑三百戶
賜紫金魚袋王安實謫鈐宿將勲闕名門家傳淮水之
靈神授圮橋之略堅剛不拔捷勇欲飛訓武旅以衛宸
嚴握兵符而叅禁近匪躬奉上宣力任公剖竹淄川克
茂藩條之政執金緹騎彌昭夙夜之勤朕以七萃屯師
三秦繕塞屬山西之氣俗扼隴首之咽喉地要而城孤

野豐而兵勁張其羽翼可以捍此疆陸壯彼金革無辭
戒於鞶鼓息疑專城之舊制築命將之新壇揆務與能
選材伸用苴麻順變聞命登塗載仗出車之令佇揚鎮
遠之聲總輯師徒撫寧藩部無邀功以生事勿慢政以
啓戎俾老少安懷郊垆靜一假南臺之憲印分北落之
朝班勉樹嘉庸以固吾圉可起復忠武將軍守金吾衛
將軍兼秦州刺史御史大夫充天雄軍節度秦城河渭
等州營田觀察處置押藩落等使散官勳封賜如故主

者施行

授溫璋王式節度使制

門下幽土名藩懿門奧壤理公劉之故國接煬帝之通
津控地數千帶甲逾萬非威能肅物勇可貞師則何以
備天子之牙爪建上將之旗鼓斷自朕志果叶僉諧武
寧軍節度徐泗宿濠等州觀察處置等使朝議大夫檢
校左散騎常侍兼徐州刺史御史大夫賜紫金魚袋溫
璋稟慶德門騰輝儒苑節峻大玉氣敷早春立言鏘韶

護之音行已植松筠之操嘗以懿問列于通班佳聲克
著於埋輪善價益彰於題柱累換符竹頗洽謳謠前歲
察俗苑溪分麾沛邑禍息萑蒲之盜風行鈇鉞之權前
浙江東道都團練觀察處置等使銀青光祿大夫檢校
左散騎常侍兼越州刺史御史大夫上柱國襲魏郡開
國公食邑二千戶王式文動星芒學通奧旨早以殊藝
射策明廷孫弘之條奏甚精晁錯之鋪陳無闕既升高
第亟踐清途臨事不回當官有守邇者擢自交趾授以

浙東果能清越水之波瀾掃稽山之祲氣暨舉十連之
化全蘇一境之人而並樂鏡貞明黃陂澹泞風雨不渝
於遠節機謀自契於生知爰命疇庸是加一作惟膺懋賞乃

眷巨屏宜委弘材三禮百工俱榮於題劔鑿門推轂共
貴於登壇疊是恩光我無愛惜爾宜壯轅門之號令恤
閭井之疲羸務農訓兵俾先南牧之備興利除害永絕
東顧之虞更樹竒功以酬劇寵璋可檢校禮部尚書兼
邠州刺史御史大夫充邠寧節度營田觀察處置等使

式可檢校工部尚書徐州刺史御史大夫充寧武軍節度徐泗宿濠等州觀察處置等使主者施行

授韋有翼劔南東川節度使制

玉堂遺範

門下授律中權分憂外閫制彼短長之命握予生殺之機境壓竇渝封含要害克膺委屬必在忠賢朝散大夫守尚書兵部侍郎兼御史大夫充諸道鹽鐵轉運等使上柱國賜紫金魚袋韋有翼蘊德無隅藏鋒向晦行滋

蘭畹志茂松心當官澄止水之明臨事出龍泉之利早
升台閣備歷清華陳藥石於諫曹司黃素於右掖長纓
得俊美價自騰左輔施河潤之功右陝繼召南之愛佐
于三典麗刑多哀敬之心貳彼五兵整武得弛張之道
委茲權管制以重輕才識變通法均寬猛今以劔外之
封疆負邈東蜀之輿賦殷繁慎簡難能俾承重寄是舉
報功之典庶協易祿之文於戲荊州思叔子之仁蜀郡
愛文翁之化壤界相錯風謠尚存罔使潼川獨無賢守

題劔重登壇之貴持綱增攬轡之威往圖嘉庸對我休
命可檢校工部尚書使持節梓州諸軍事兼梓州刺史
御史大夫充劔南東川節度副大使知節度事營田觀
察處置等使散官勲如故主者施行

文苑英華卷四百五十三